

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«___» _____ 2016 թ.

N ____-Ն

ք.Ստեփանակերտ

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ
ՏՈՀՄԱՅԻՆ ՑԱԾԻ ՄԹԵՐԱՏՈՒ ԿՈՎԵՐԻ ԱՐԺԵՔԻ ՄԱՍՆԱԿԻ
ՍՈՒԲՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ**

«Իրավական ակտերի մասին» Լեռնային Ղարաբաղի Հանրապետության օրենքի 13-րդ հոդվածին համապատասխան՝ Լեռնային Ղարաբաղի Հանրապետության կառավարությունը **որոշում է.**

1. Հաստատել Լեռնային Ղարաբաղի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորման կարգը՝ համաձայն հավելվածի:

2. Լեռնային Ղարաբաղի Հանրապետության գյուղատնտեսության նախարարությանը՝ տնտեսական տարին ավարտելուց հետո՝ մեկամսյա ժամկետում Լեռնային Ղարաբաղի Հանրապետության կառավարություն ներկայացնել հաշվետվություն՝ սույն որոշման հիման վրա կատարած աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ԼԵՌՆԱՅԻՆ ՂԱՐԱԲԱՂԻ
ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Ա. ՀԱՐՈՒԹՅՈՒՆՅԱՆ

ԿԱՐԳ

**ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ
ՏՈՀՄԱՅԻՆ ԶԱԾՐ ՄԹԵՐԱՏՈՒ ԿՈՎԵՐԻ ԱՐԺԵՔԻ ՄԱՍՆԱԿԻ
ՍՈՒՔՍԻԴԱՎՈՐՄԱՆ**

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կանոնակարգվում են տեղական նախրի բարելավման և մթերատվության բարձրացման նպատակով Լեռնային Ղարաբաղի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորմանն ուղղված միջոցառումների (այսուհետ՝ միջոցառում) իրականացման հետ կապված հարաբերությունները:

2. Սույն կարգի իմաստով օգտագործվող հիմնական հասկացություններն են՝

1) **տոհմային ցածր մթերատու կով՝** բնիտավորման արդյունքում 100 բալանոց սանդղակով 64 և ցածր բալ ստացած կով, որն մթերատու հատկություններով գերազանցում է տեղական կովերին.

2) **տոհմային ցածր մթերատու կովերի արժեքի մասնակի սուբսիդավորում՝** տոհմային ցածր մթերատու կովերի արժեքի մասնակի փոխհատուցում:

II. ՍՈՒՔՍԻԴԱՎՈՐՄԱՆ ԳՈՐԾԸՆԹԱՅԻ ԿԱԶՄԱԿԵՐՊՈՒՄԸ

3. Լեռնային Ղարաբաղի Հանրապետության գյուղատնտեսության նախարարությունը (այսուհետ՝ նախարարություն) համակարգում և վերահսկողություն է իրականացնում միջոցառման իրականացման գործընթացի նկատմամբ:

4. Լեռնային Ղարաբաղի Հանրապետության անասնաբուժական սպասարկման կայանները՝ նախարարության կողմից սահմանած ժամկետում նախարարություն են ներկայացնում տեղեկություններ՝ նշելով համայնքը, տոհմային ցածր մթերատու կով (եր) ձեռք բերելու ցանկություն ունեցող իրավաբանական կամ ֆիզիկական անձանց տվյալները և ձեռքբերման ենթակա տոհմային ցածր մթերատու կովերի քանակը:

5. Մասնակի սուբսիդավորման ենթակա է Լեռնային Ղարաբաղի Հանրապետությունում ձեռքբերվելիք տոհմային ցածր մթերատու կովերի արժեքի 35 տոկոսը: Մնացած 65 տոկոսը տրամադրվում է Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամի (այսուհետ՝ հիմնադրամ) միջոցով, անտոկոս փոխառության տեսքով, հինգ տարի մարման ժամկետով և տոհմային ցածր մթերատու կովերից սերունդ ստանալու պարտադիր պայմանով:

6. Նախարարությունը, սույն կարգի 4-րդ կետում նշված տեղեկությունները ստանալուց հետո տասնօրյա ժամկետում ընդհանրացնում և դրանց հիման վրա հիմնադրամ է ներկայացնում տեղեկություններ՝ տոհմային ցածր մթերատու կովերի ձեռքբերման պահանջարկի մասին:

7. Հիմնադրամը՝

1) տոհմային ցածր մթերատու կովերի անասնաբուծություն իրականացնող ընկերությունների հետ կնքում է տոհմային ցածր մթերատու կովերի ձեռքբերման պայմանագրեր.

2) հիմք ընդունելով սույն կարգի 6-րդ կետում նշված տեղեկությունները՝ տոհմային ցածր մթերատու կովեր ձեռքբերելու ցանկություն ունեցող իրավաբանական կամ ֆիզիկական անձանց հետ կնքում է տոհմային ցածր մթերատու կովերի ձեռքբերման համար անտոկոս փոխառության տրամադրման պայմանագրեր՝ նախատեսելով սույն կարգի 5-րդ կետից բխող պայմանների կատարումը սահմանող դրույթներ.

3) յուրաքանչյուր խմբաքանակի տրամադրումից հետո, տասնօրյա ժամկետում, նախարարություն է ներկայացնում տեղեկություններ՝ տոհմային ցածր մթերատու կովերի ձեռքբերման և անտոկոս փոխառությունների տրամադրման ուղղությամբ կատարած աշխատանքների մասին:

8. Նախարարությունը, հիմք ընդունելով սույն կարգի 7-րդ կետի 3-րդ ենթակետում նշված տեղեկությունները, իրականացնում է սույն կարգի 5-րդ կետում նշված սուբսիդավորումը՝ յուրաքանչյուր տարվա պետական բյուջեում նախատեսված համապատասխան միջոցներից:

III. ՍՈՒԲՍԻԴԱՎՈՐՄԱՆ ԳՈՐԾԸՆԹԱՑԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

9. Լեռնային Ղարաբաղի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորման գործընթացի իրականացումից ակնկալվող արդյունքներն են՝

1) կենդանիների մթերատվության մակարդակի բարձրացում.

2) տոհմային բարձր մթերատու հատկանիշներով սերնդի ստացում.

3) անասնաբուծության վարման ինտենսիվ տեխնոլոգիաների ներդրման հնարավորություն.

4) գյուղական վայրերում վերամշակման համար նոր ձեռնարկությունների ստեղծման համար նպաստավոր պայմանների ապահովում.

5) անասնաբուծության մասնագիտացման շնորհիվ բնական կերահանդակների առավել արդյունավետ օգտագործում.

6) գյուղական վայրերում նոր աշխատատեղերի ստեղծում.

7) անասնաբուծական մթերքների ինքնաբավության մակարդակի բարձրացում:

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ**

ՀԻՄՆԱՎՈՐՈՒՄ

«ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ ՏՈՀՄԱՅԻՆ ՑԱԾՐ ՄԹԵՐԱՏՈՒ ԿՈՎԵՐԻ ԱՐԺԵՔԻ ՄԱՍՆԱԿԻ ՍՈՒՔՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ

Անհրաժեշտությունը

Սույն նախագծի ներկայացումը պայմանավորված է Լեռնային Ղարաբաղի Հանրապետության գյուղատնտեսության համախառն արտադրանքում անասնաբուծության ճյուղի տեսակարար կշռի ավելացման անհրաժեշտությամբ, ինչպես նաև անասնազվխաքանակի ավելացման, բարելավման ու մթերատվության բարձրացման կարևորությամբ:

Կարգավորման նպատակը և բնույթը

Ներկայացված նախագծով առաջարկվում է աջակցել Լեռնային Ղարաբաղի Հանրապետության շրջաններում անասնաբուծությամբ զբաղվող ֆիզիկական և իրավաբանական անձանց՝ մատչելի գնով տոհմային ցածր մթերատու կովերի ձեռքբերման հարցում:

Նախագծի մշակման գործընթացում ներգրավված անձինք

Նախագիծը մշակվել է Լեռնային Ղարաբաղի Հանրապետության գյուղատնտեսության նախարարության աշխատակազմի անասնաբուծության և անասնաբուծության վարչության և իրավաբանական բաժնի կողմից:

Սպասվելիք արդյունքները

Նախագծի ընդունումից իրականացումից ակնկալվում է կենդանիների մթերատվության մակարդակի բարձրացում, բարելավված և տոհմային բարձր մթերատու հատկանիշներով օժտված տնտեսությունների ցանցի ձևավորում, նոր աշխատատեղերի ստեղծում, բնական կերահանդակների առավել արդյունավետ օգտագործում, անասնաբուծական մթերքների ինքնաբավության մակարդակի բարձրացում և այլն:

Այլ տեղեկություններ

«Լեռնային Ղարաբաղի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորման կարգը հաստատելու մասին» Լեռնային Ղարաբաղի Հանրապետության կառավարության որոշման նախագիծը ներկայացվել է հանրային քննարկումների Լեռնային Ղարաբաղի Հանրապետության գյուղատնտեսության նախարարության պաշտոնական կայքէջում: Սահմանված ժամկետներում առաջարկություններ կամ դիտողություններ չեն ստացվել:

ՏԵՂԵԿԱՆՔ

**«ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ
ՏՈՒՄԱՅԻՆ ՑԱԾՐ ՄԹԵՐԱՏՈՒ ԿՈՎԵՐԻ ԱՐԺԵՔԻ ՄԱՍՆԱԿԻ
ՍՈՒՔՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱՔԱՂԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅԱՆ ՊԵՏԱԿԱՆ
ԿԱՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ԲՅՈՒՋԵՆՆԵՐՈՒՄ
ԾԱԽՍԵՐԻ ԵՎ ԵԿԱՄՈՒՏՆԵՐԻ ԷԱԿԱՆ ԱՎԵԼԱՑՈՒՄՆԵՐԻ ԿԱՄ
ՆՎԱԶԵՑՈՒՄՆԵՐԻ ՄԱՍԻՆ**

«Լեռնային Ղարաքաղի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորման կարգը հաստատելու մասին» Լեռնային Ղարաքաղի Հանրապետության կառավարության որոշման նախագծի ընդունման կապակցությամբ Լեռնային Ղարաքաղի Հանրապետության պետական կամ տեղական ինքնակառավարման մարմինների բյուջեներում ծախսերի և եկամուտների ավելացումներ կամ նվազեցումներ չեն նախատեսվում:

ՏԵՂԵԿԱՆՔ

**«ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ
ՏՈՒՄԱՅԻՆ ՑԱԾՐ ՄԹԵՐԱՏՈՒ ԿՈՎԵՐԻ ԱՐԺԵՔԻ ՄԱՍՆԱԿԻ
ՍՈՒՔՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱՔԱՂԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ
ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

«Լեռնային Ղարաքաղի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորման կարգը հաստատելու մասին» Լեռնային Ղարաքաղի Հանրապետության կառավարության որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջացնում:

ՓՈՐՁԱԳԻՏԱԿԱՆ ԵԶՐԱԿԱՑՈՒԹՅՈՒՆ
«ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ
ՏՈՀՄԱՅԻՆ ՑԱԾՐ ՄԹԵՐԱՏՈՒ ԿՈՎԵՐԻ ԱՐԺԵՔԻ ՄԱՍՆԱԿԻ
ՍՈՒՐՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱՔԱՂԻ
ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ

«Լեռնային Ղարաքաղի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորման կարգը հաստատելու մասին» Լեռնային Ղարաքաղի Հանրապետության կառավարության որոշման նախագծի վերաբերյալ առաջարկություններ և դիտողություններ չկան:

ԼՂՀ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ԲԱԺՆԻ ՊԵՏԻ
ՊԱՇՏՈՆԱԿԱՏԱՐ
Ն.ԳՐԻԳՈՐՅԱՆ

**ԼՂՀ ԿԱՌԱՎԱՐՈՒԹՅԱՆ ԵՎ ԼՂՀ ՎԱՐՉԱՊԵՏԻ
ՈՐՈՇՈՒՄՆԵՐԻ ԱՌԱՔՄԱՆ ԹԵՐԹԻԿ**

Որոշման նախագծի անվանումը՝

«Լեռնային Ղարաբաղի Հանրապետությունում ձեռքբերվելիք տոհմային ցածր մթերատու կովերի արժեքի մասնակի սուբսիդավորման կարգը հաստատելու մասին»

Նախագիծը ներկայացնողը՝

ԼՂՀ գյուղատնտեսության նախարարություն

ԼՂՀ կառավարության և ԼՂՀ վարչապետի որոշումներն ուղարկել՝

1. ԼՂՀ գյուղատնտեսության նախարարություն
2. ԼՂՀ արդարադատության նախարարություն
3. ԼՂՀ ֆինանսների նախարարություն
4. ԼՂՀ գյուղի և գյուղատնտեսության աջակցության հիմնադրամ
5. ԼՂՀ շրջանների վարչակազմեր

Նախագիծը պատրաստողը՝

Լեռնային Ղարաբաղի Հանրապետության գյուղատնտեսության նախարարության աշխատակազմի անասնաբուծության և անասնաբուժության վարչություն

_____ **Ն. Մուսայեյան**
(ստորագրությունը)

« ____ » _____ 2016 թ.

